

QVÆSTIO MEDICA

QVODLIBETARIIS DISPVATIONIBVS

MANE DISCVTIENDA,

IN SCHOLIS MEDICORVM

die Iovis 25. Februarij.

M. PETRO LE MERCIER;

DOCTORE MEDICO, PRÆSIDE.

*An in Febris continuis qualibet evacuatio natura lege suscepta
salutaris & critica?*

I.

PUTREDINIS natura in caloris proprij & naturalis rei putrescentis corruptione tota posita est, non in mixti dissolutione & partium humidarum à siccis separatione: illius causa princeps calor est extraneus, aded inimicus nato vt abeunte isto naturalis humor vnà difflatur ac evaporet, nec iam quicquam adsit quod eum alliciat; remota & adjuvantes constrictio cutis, vasorum obstructio, laxitas pororum & excrementitius humor, hinc quæ putrescunt primò fiunt humidiora, tandem sicciora & ad extremum terra & finis, combustis haud absimilis in quibus fætor nullus, ex quibus nihil vnquam generari potest. Putredini coctio aliquatenus adversatur, hæc robur indicat caloris insiti quo res perficitur, illa extranei quo corrumpitur. A putredine duplex indicatio, vt quod putredinis iam factum est sanes, & quod in generatione adhuc est (quod *adspersoria* facit) sistas. Huius curatio in viventibus & non viventibus eodem perficitur modo & facultate quæ alteret concoquat vilèque reddat quicquid putrescentium veluti semiputrescens semimalumque est; hinc cum in animalibus ac præsertim in homine humores sint ad concipiendam putredinem aptissimi sit vt accedentibus causis putrefacientibus, calor eorum natus afficiatur tandemque corrumpatur, vnde ijs accensis repente paulatim ad cor vitio synochus putris miserum corpus exagitat, ab interpolata loco tantum & putredinis foco distincta; putrente siquidem in habitu corporis & in prima eius regione procul à corde humore, intermittens; in vasis præsertim maioribus, assidua generatur, cuius causæ continenti

humori vni aut multiplici cum prorsus putruit non alteratio, sed evacuatio convenit.

II.

CVM humores venarum ergastulis conclusi synceri separatique non sint, sed confusi & permixti sanguine, certè putredo omnes simul eodémque tempore non invadit, sed vnum quempiam & solitarium afficit & corrumpit; illum imprimis qui copia peccat aut qualitate, hinc continua febris duplex *πυρετός* quæ plethoram & *πυρετός* quæ cacochymiam sequitur, exacerbationibus & remissionibus à propria humoris specie pendentibus distincta, quæ triplex est, biliosa, pituitosa, melancholica (rarissima): aliarum putredo visceribus aut venis arterijsque majoribus concepta, cor continenter inficit & incendit, à quo in omne corpus vstulator ignis derivatur; earum species innumeræ ferè ad exitium humani generis natæ, totidem faciunt morbos quot symptomata: his vt sese expediat molestiis natura sagax ac provida, quicquid crudi congestum est humoris, qui eas mesenterij venas inferciat, per quas chylus in jecur defertur, hunc paulatim subigit, immutat, concoquit aut mitigat, quinetiam impuros corruptosque humores, omnium ferè morborum continentes causas, in majoribus vasis conclusos, aut in cavis viscerum delitescentes, venisque minoribus coercitos, pristinæ restituit bonitati, lentos deterget, tenaces liquat, crassos attenuat, compactos imminuit & variè disjungit, ferocientes, turbulentos & quoquoersum impulsos compescit, exustos *ἀποξηρῶς* aut blandè leniterque repurgat & alio quovis modo contaminatos, sensim ad mediocritatem redactos, ab vtilibus secernit, secretos per cæcos interdùm arctosque recessus expellit, sæpiùs per tritas vias & idoneas bonis ægri rebus excernit, hinc subitæ illæ in morbis ad salutem ægrotantis præter spem imperitorum mutationes, in quibus ipsa quamvis humorum gravis sarcinâ aut perniciè prostrata videatur natura, aut terrificis vrgeat febris symptomatis, collectis tamen vndequaque viribus superior, morbike dominatrix evadit.

III.

FEBRIVM assiduam salutaris & perfectæ crisis (quæ est *ἐξάρπαιξις* *ἐν τῷ σώματι μεταβολὴ πρὸς ὑγίαν*) fit à calore nativo & partium solidarum virtute, die critico ab indice *συνήκων* prænunciato sine periculosis symptomatis & cum ægri tolerantia, vacuato penitus humore noxio, *ἐνσώματος* & *ἐκτὸς τοῦ σώματος* cum insigni excretionè vel abscessu, pro morbi specie & ægrotantis natura, ætate, temperie: illius ad futuros morborum eventus prævidendos & imperitæ multitudinis fugiendam calumpniam dignitas & necessitas summa; coctione nusquam non opportuna perficitur valentissimi caloris operâ, qui natura est peculiaris

415⁷

3

quæ sanat morbos & febres acutas, quarum materies in toto genere venoso continetur, prius mitificanda, coquenda & secernenda quam excernenda; continua & vniuersalis, naturæ validam vim & concoquentis caloris denotans imperium, in alvi dejectionibus & vrinis potissimum elucet, ex quibus plura & certiora quam cæteris omnibus salutis aut interitus, coctionis aut cruditatis, celeritatis & tarditatis crisen defumuntur indicia.

I V.

SVDORIS & vrinæ materia tenuis est humor ac serofus qui κατ' ὄσιν è venis in cutem & vesicam expellitur, non autem ab ea elicitur à cuius excretionem vires acquirit natura, libertas accedit meatibus, mitigatur causa morbi & febrilis fomitis commoda subductione, fida leuationem ægri persentiscunt, quam cita crîsis & optata subsequitur. Namque inter communia morborum ἐμπραγνύματα, tum febrium acutarum propria, quæ natura duce convenienter cientur & salutis fida spe Medicos & ægros consolantur; isthæc duo quæ effectricem sui causam agnoscunt excretionem seri eorum qui venis continentur humorum, per totum corpus ita meabilis, vt per has vias angustas licet & exiles, satis superque sese expediant viscera, omne ferunt sanitatis punctum, excisis prorsus morbi radicibus, si modò illa evacuatio vitiosi humoris liberalis ac libera, indicibus suis fuerit denunciata, quæ ad speciem crîsis & tempus appareant. Hinc qualis est seri collectio in vesica eorum qui in venis sunt humorum αἷος ὑγρῶν, talis eiusdem serosi ichoris in tota compagine αἷος ἰσχυρῶς; sudore namque sistuntur vrinæ, sicut vrinæ profluvio sudor compescitur. Econtrâ sudor & vrina si effluant symptomaticas, non sunt moventis naturæ, sed exprimentis morbi opera & solidarum partium exolutarum, aut vi febrilis ardoris fuscitantur præ nimia copia pravorum in corpore humorum. Cæterarum excretionum, quæ per palatum & nares fiunt è capite vt & sputi in omnibus doloribus circa pulmonem & costas enatis πρῶτος τὸ & ὑποπίως per αἰσθητὰν eduçti, non dispar ratio, nec fida minus aut critica leuatio, quam menstruis, hæmorrhoidibus aut hæmorrhagiâ, natura tentat, à qua nonnulli deducti sunt ad dysenteriam senum propriam, quæ si fluant meritò & ἡ νόσος naturæ, gravissima quæque mala sanant & arcent, meabiles siquidem reddunt humores, meabile item corpus, ac iuveniles naturæ motus; sic bilis causi effectrix crassior nec ita meabilis mitificata pepasino, dum per cutim nacta est exitum, icterum edit criticum quo ipsa febris exolvitur.

V.

IN spontaneis lassitudinibus, vt & aliis ferè morbis, quæ in articulos decumbunt fluxiones, per abscessus judicantur. In febribus bubones, minores morbo, longi, dolorifici, sed istius doloris fugacis mate-

